

FORUM

Passlùng cun tgàns da schlieusas

La dumàn bòld da sonda passada en rivos tres manaders da tgàns da schlieusas cun lur tgars speziali. Iglis possessurs da famiglias da tals tgàns *Tobler a Neumüller*ân betga gieu egn lùng viadi naasei da Ziràn. Els en cumembers da l'Uniùn svizra da transports da tgàns da schlieusas.

Quitordeesch fearsm huskies

I ân preparo lur quitordeesch fearsm huskies segl Lössi a Spleia. Iglis tgàns urlavan digl plascher, c'ign udeva lur tients gea da dalentsch. Da la ple fegn'ora d'unviern e'gl sto segl program egn trenamaint da passlùng cun tgàns da schlieusas. Iglis giuvenils digl SC Tambo ân sacato ple bòld c'usito agl zenter da cursa lùnga da Spleia, par sagidar c'igls tgàns possian ir a curer da quellas temperaturas frestgas da la da-

màn. Iglis unfânts, iglis giuvenils ad iglis geniturs salegravant mademameing da quell'ocurenza tradiziunala c'â liac mintg'on. Egn trenamaint cun la tecnica da passlùng a da cundiziùn fa plascher tut aparti, cur c'ign po far quel anseme cugls tgàns. Quels en dastinos da curer sen la nev! Suainter aver fufargnieu ampo en iglis huskies vagnieus mess sut igl cumet, las sportistas ad iglis sportists en vagnieus instrueus davart igl equipamaint a co riescher igls tgàns.

Igl ple bugent curieus antoca Novagnas

Gl'amprem e'gl vagnieu scaldo las musclas, alura e'gl sto da partir. Singuls near an dus eni parcureus igl tschancùn radund, par ordinari egn unfânt acumpagnieu d'egn giuvenil near d'egn carschieu. Las squadras da manaders a tgàns en

partieus cun adatg. Cun la fidànya an sasez e alura ear carschida la speartadad. Las cursas en betg gartageadas sainza surprises. Singuls tgàns stevan eri anetgameing, spitzgànd igl fardagliùn near igl patrùn. Near c'î earan talmeing motivos c'î fus-san curieus igl ple bugent antoca Novagnas. Animals a sportists ân giudieu vasevlameing que am-pundimant special. Anviers miezgi e la temperatura s'augmentada da maniera c'igls tgàns ad iglis passlunghists ân sararatg par vagnir pavlos igls egs a tschels giudànd igl té tgöld.

Stefan Mühlmann, SC Tambo Spleia
(translatu da Bartolome Tscharner)

Daple infurmaziuns en da catar sen la pagina scambospluegen.ch.



Iglis tgàns motivos motiveschan quels da tschellas squadras.

FOTOS SC TAMBO SPLEIA



Passlunghists a tgàns da schlieusas filan sur la nev.



Iglis manaders digls tgàns da las famiglias Tobler a Neumüller da Ziràn.

LA QUOTIDIANA

Editura: Somedia Press AG
Editor: Hanspeter Lebrument
CEO: Thomas Kundert

Editura Somedia
Via Sommerau 32, 7007 Cuira;
tel. 081 255 50 50, mail: verlag@somedia.ch

Redacziun responsabla:

Fundaziun Medias Rumantschas (FMR):

Schefredactur FMR: David Truttmann (dat)

Substitut schefredactur FMR: Hans Huonder (hh)

Redacziun FMR: Augustin Beeli (abc), Andreas Cadonau (ac), Flurin Andry (fa, correctorat), Michael Steiner (mst), Claudia Cadruvi (vi), Gabriela Riedi (ri),

Martin Gabriel (mg), Martin Camichel (cam), Sandro Buchli (sb), Stefanie Elsa (ste), Annetta Janka-Zini (aj, correctorat), Olivia Portmann-Mosca (opm), Toni Vinzens (vit)

Adressas redacziunala:

FMR Fundaziun Medias Rumantschas,
Via da Masana 2, 7000 Cuira
mail: redacziun@fmr.ch
tel. 081 544 89 11

www.fmr.ch

Servetsch d'abunents e da distribuziun:

Via Sommerau 32, 7007 Cuira,
tel. 0844 226 226,
mail: abo@somedia.ch

Inserats:

Somedia Promotion,
Städtlistrasse 12, 7130 Glion
tel. 081 920 07 17, fax 081 920 07 18,
mail: ilanze.inserate@somedia.ch

La Quotidiana cumpara tschintg giadas ad emna.

Edizioni derasada, Südostschweiz completo:

62 586 exemplars (WEMF, 2023),
da quai edizioni vendidas 58 113 exemplars

Derasazion: 131 000 lecturas e lectors

(MACH-Basic 2022-2)

La Somedia Press AG è possessura dals titels «Fogl Ladin», «Gasetta Romontscha», «Casa Paterna/La Punt» e «La Vousch da Surmeir».

Pretschs d'abunments sut:
www.suedostschweiz.ch/aboservice

Comunicaziun da participaziuns considerabiles sin fundament da art. 322 CP:

nagin

© Somedia



INTER-NAZIUNAL

RUSSIA EXILIESCHA DUS DIPLOMATS BRITANNICS

La Russia ha exilià causa acts supponids da spiunascha il segund secretari da l'ambassada britannica e l'um da l'emprima secretra da la partiziun politica. Sco ch'il ministeri russ dals affars extens ha communitàg ha il servetsch secret russ FSB constatà ina preschientza betg annunziada dal servetsch secret da la Gronda Britannia. (sda/fmr)

ARCHEOLOGS CHATTAN MUNGIA CUN RINTGS DA FIER

Archeologs israelians han chattà en ina fossa en vischinanza da Jerusalem il corp dad ina mungia dal temp antic, la quala ha enturn bratscha, chommas e culiez grevs rintgs da metal. Ch'na sa tractia betg da tortura, mabain dad autoflagellaziun, suppon ils sciensiads. (sda/fmr)

ZOË MË CUN «VOYAGE» A L'ESC A BASILEA

La musicista e chantadura *Zoë Më* da Friburg vegn a chantar a l'Eurovision Song Contest (ESC) a Basilea il song en lingua franszosa «Voyage». Il videoclip dal song svizzer per l'ESC 2025 pon ins vesair a partir dad immediat sin Youtube e sin la pagina d'internet da l'ESC. (sda/fmr)

ART: DAMAIN CUMPRAS D'OVRS SIN TUT IL MUND

La valur dad ovras d'art vendidas tar aucziuns s'è diminuida globalment durant l'onn 2024: La valur da vendita era l'onn passà cun 9,9 milliardas dollars uschè bassa sco l'ultima giada da l'onn 2009. Il motív principal saja l'economia china che s'indebleschia, ha communitàg glindesdi la firma da cussiegliaziun Artprice ch'è da chasa en Frantscha. (sda/fmr)

NATO EMPERMETTA AGID

En vista a las tensiuns politicas en Bosnia e Herzegovina ha il secretari general da la Nato, *Mark Rutte* empermess a la regenza centrala il sustegn da l'allianza militara. (sda/fmr)